


KANTIK SANT MELLON

Diskan :

A vouez huel, a greis kalon
Pleuveilliz meulomp sant Mellon
Hor Patron karet hag hon Tad,
Mignon Doue ha Pastor mad.



Evel kalz sent euz bro Arvor
Eo deut euz an tu all d'ar mor,
Rag e Breiz-Veur ez eo ganet,
Var zouar koz ar Vretonet.

O velet hevelep labour,
E ya kounnar en enebour,
An diaoul a ra kement a c'hell
Da ziarben an den santel

Floc'hik e palez ar roue,
Mellon oe blieniet gant Doue
En digasas da Rom eun deiz
Evit e c'henel d'ar guir feiz.

Mez gand sin ar groaz beniget
Ardou satan a zo trec'het,
Ha doriou Rouen a zigor
Da Vellon he c'henta pastor.

Ar breizad yaouank, arog pell.
O klevet ar c'helou santel,
A droaz kein d'ar falz kreden
Hag eb dale e oe kristen

An diaoul a gas euz ar c'horfou,
Ar pare ro d'ar c'hlenvejou,
Hag an dud varo, d'ar vuez,
D'e c'her a zistro a nevez.

Sant Stephan Pab er badezaz
Beleg hag eskob er c'hrouaz,
Hag er guelomp, e bro Neustri
Krog gand al labour a zevri.

Kroaz hor Zalver en e zaouarn,
En dro d'e gorf chaden houarn
E vev er brasa pinijen
Tan ar garantez'n e gere'hen.

Eun niver bras a bañanet
Dar feiz kristen zo gonozet
Dre nerz dispar e brezegen,
E vurzudou hag e beden.

Eno epad hanter kant vloaz
Denved Jesus hen a renas,
Evel ma ren eur pastor mad
Prest da rei evit-o e c'hoad.

Ha pred ar maro pa deuz
An env d'ez-han a zigoraz,
Jesus a lakaz var e benn
An dalvoudusa kurunen

Imprimerie :
Quimper, le 13 Juin 1928
P. Joncour, v. g.